

Қазақстан Республикасы Ұлттық ұланының кейбір мәселелері туралы ақпарат

Соңғы 5 жылда Ұлттық ұланды республикалық бюджеттен қаржыландырудың жалпы көлемі жыл сайын ұлғайтылып, 391 млрд теңгеден асты (2015ж. – 61,3 млрд теңге, 2016ж. – 64,2 млрд теңге, 2017ж. – 81,9 млрд теңге, 2018ж. – 88,6 млрд теңге, 2019ж. – 95 млрд теңге).

Ағымдағы жылы республикалық бюджетте Ұлттық ұланның шығыстары 88,4 млрд теңгені құрады (еңбекақы – 36,9 млрд теңге, ұстау – 37 млрд теңге, күрделі шығыстар – 13,4 млрд теңге, құрылыс – 1,1 млрд теңге).

2021 – 2023 жылдарға арналған республикалық бюджет жобасында Ұлттық ұланға 222,4 млрд теңге сомасында шығыстар көзделген (2021ж. – 87,4 млрд теңге, 2022ж. – 78,1 млрд теңге және 2023ж. – 56,9 млрд теңге).

2021 – 2023 жылдарға арналған шығыстар лимиттерін анықтау кезінде елдің әлеуметтік-экономикалық дамуының болжамды көрсеткіштерін ескере отырып, барлық бюджеттік бағдарламалар әкімшілері бойынша олардың басымдықтарын қайта қарай отырып, шығыстарды едәуір оңтайландыру жүзеге асырылғанын атап өтеміз.

Материалдық-техникалық жарақтандыру мәселесі жөнінде

Ұлттық ұланды материалдық-техникалық жарақтандыру Қазақстан Республикасында діни экстремизм мен терроризмге қарсы іс-қимыл жөніндегі 2018 – 2022 жылдарға арналған мемлекеттік бағдарламаны, Республикалық жедел штабтың хаттамалық шешімдерін, сондай-ақ Ішкі істер министрлігінің (бұдан әрі-ИІМ) Стратегиялық жоспарының іс-шараларын іске асыру шеңберінде жүзеге асырылады.

Ағымдағы жылы Ұлттық ұланға: байланыс құралдарын сатып алуға – 2 млрд теңге, көлік құралдарына – 1,6 млрд теңге, есептеу және ұйымдастыру техникасына – 1,6 млрд теңге, атыс жабдықтарына – 1,6 млрд теңге, жеке броньды қорғау және белсенді қорғаныс құралдарына – 1,1 млрд теңге, оқ-дәрілерге – 1 млрд теңге, Ұлттық ұланның әскери институтының оқу корпусын күрделі жөндеуге – 450 млн теңге, бағдарламалық қамтамасыз етуге – 386 млн теңге, қару-жарақ пен керек-жарақтарға – 177 млн теңге және өзге де жабдықтарға – 3,1 млрд теңге бөлінді (барлығы 13,4 млрд теңге).

Сонымен қатар, 2020 жылы шұғыл шығындарға арналған Үкімет резервінен Ұлттық ұланға оқ-дәрілерді және қару-жараққа керек-жарақтарды, сондай-ақ көлік құралдарын сатып алуға 1,6 млрд теңгеге жуық қаражат бөлінді.

Қазіргі уақытта Ұлттық ұланның жарақтандырылуы: жеке броньды қорғау және белсенді қорғаныс құралдарымен – 88,6%, броньды танк техникасымен – 85,1%, автомобиль техникасымен – 76,2%, авиатехникамен – 60%, тітіркендіргіш әсері бар арнайы құралдармен – 59%, қару-жарақпен және оқ-

дәрілермен – 50,1%, байланыс құралдарымен және мүлкімен – 38%, есептеу техникасымен – 53% құрайды.

2021 – 2023 жылдарға арналған республикалық бюджет жобасында Ұлттық ұланды материалдық-техникалық жарақтандыруға 17,3 млрд теңге сомасында шығыстар көзделген (2021ж. – 10,3 млрд теңге, 2022ж. – 6 млрд теңге, 2023ж. – 1 млрд теңге).

Ұлттық ұланның материалдық-техникалық базасын қосымша қаржыландыру мәселелері экономикалық жағдайдың жақсаруына қарай және республикалық бюджеттің мүмкіндіктерін ескере отырып, кезең-кезеңімен қаралатын болады.

Тұрғын үй төлемдері бойынша кредиторлық берешек мәселесі жөнінде ІІМ ақпараты бойынша Ұлттық ұланның әскери қызметшілеріне тұрғын үй төлемдері бойынша кредиторлық берешек ағымдағы жылдың 1 қыркүйегіндегі жағдай бойынша 2,56 млрд теңгені құрайды.

Кредиторлық берешектің өсуі әскери қызметтен босатылған кезде ақшалай өтемақы және тұрғын үй төлемдерін алушылар санатына жататын әскери қызметшілер санының, әскери қызметшілердің отбасы мүшелері санының ұлғаюы, сондай-ақ жыл сайын тұрғын үйдің 1 шаршы метрін жалға алу құнының артуына байланысты.

2015 – 2019 жылдары Ұлттық ұланның әскери қызметшілеріне тұрғын үй төлемдерін төлеуге республикалық бюджеттен барлығы 54,4 млрд теңге сомасында қаражат бөлінді (2015ж. – 4,8 млрд теңге, 2016ж. – 8,1 млрд теңге, 2017 ж. – 11 млрд теңге, 2018ж. – 11,6 млрд теңге, 2019ж. – 18,9 млрд теңге).

Ағымдағы жылы республикалық бюджетте әскери қызметшілерге тұрғын үй төлемдерін төлеуге 14,8 млрд теңге, 2021 – 2023 жылдарға арналған республикалық бюджет жобасында 53,4 млрд теңгеден астам шығыстар көзделген (2021ж. – 17,8 млрд теңге, 2022ж. – 17,9 млрд теңге, 2023ж. – 17,7 млрд теңге).

2020 жылға арналған республикалық бюджетті нақтылау шеңберінде Ұлттық ұланның әскери қызметшілеріне тұрғын үй төлемдерін төлеуге 5,6 млрд теңге, оның ішінде кредиторлық берешекті өтеуге 2,56 млрд теңге сомасында шығыстар туралы ІІМ өтінімі белгіленген тәртіппен қаралуда.

Азық-түлік (жалпы әскери) үлесінің құны мәселесі жөнінде

Қазіргі уақытта Қаржы министрлігі мүдделі мемлекеттік органдармен бірлесіп азық-түлік үлесінің құнын есептеу әдіснамасын қайта қарау мәселесін пысықтауда, нәтижелері бюджет заңнамасында белгіленген тәртіппен қаралатын болады.

Әлеуетті құрылымдарды үйлестіруді күшейту бойынша қосымша шаралар қабылдау мәселесі жөнінде

Әлеуетті құрылымдардың қызметін үйлестіруді және терроризмге қарсы іс-шараларды өткізу кезіндегі тәжірибені пысықтауды Қазақстан Республикасы Қауіпсіздік Кеңесінің жанындағы мемлекеттік органдардың арнайы мақсаттағы бөлімшелерінің үйлестіру кеңесі жүзеге асырады.

2017 – 2019 жылдар аралығында арнайы мақсаттағы бөлімшелердің 1,5 мыңнан астам қызметкері мен әскери қызметшісі оқытылды. Ұлттық ұланның бөлімшелері терроризмге қарсы және жедел-тактикалық оқу-жаттығуларына, оның ішінде халықаралық ұйымдармен өзара іс-қимыл шеңберінде үнемі қатысады.
